



豐對樓詩選目錄卷第三十五

七言律詩

贈胡國博釋明

過趙媪館話舊

淮濱新第為吳幼安孝廉賦

投贈姚大名敘卿

迎春日記事

立春日為丙戌蜡月二十八日同宗人陸經歷

前軍馬經歷後軍陳都事集前軍喻都事園

亭作

草閣新成詩為陳嘉之

甯升之老於文學未得推擇詩以勸駕

三之日王太常敬美約携罇過訪長干僧舍又

豐壘橫言選 卷三十五 一  
候不至因赴社交之招頃之太常至聞而復  
還太常又返駕矣正所謂交臂而失之者也  
詩以記之

枕上聞雪

六之日雪後方子及携榼過天界寺周文美客  
舍同其親林繼華其子方伯書分松字  
人日集姚玄胤寧壽堂分遥字

為王孟起悼妾趙少霞

姚大名宅燈夕再賦

八和白燕

十和白燕

十七夕同姚大名諸公集王子孟起宅觀燈分得

魚字

再賦一首

胡懋誠枉過僧廬未及報謁乃辱佳篇見貺謹  
步嚴韻復之

吊許太常伯貽先生

春日登樓即事

挽金在衡

代陸宗人懷寄費思明郡丞

二月二日同姚敘卿諸公集甯升之宅分黃字

過馬湘蘭佛堂文酒晤語輒申斯贈

二月六日與社中諸君集姚使君芳樹軒分淮  
字

過李臨淮宅直入後圃躊躇池亭樹竹之間其

第太學君云有使者入京賦寄此首

送甯升之之淞江訪吳按察

僕將去歸留別雅游諸公一首

答贈顧太學

贈詹太僕

丁亥上巳姚二仲長園中修禊分得雲字

過滁陽訪贈沈太僕純父

送陸宗人承道擢守石阡

丁亥三月廿有三日梁明府紹父携樽文明閣

邀同兩學博陳伯明凌汝容賦

與詹少卿爾欽遊開化寺一首

贈楊太僕止菴時起廢來丞寺才十日即欲疏

請致政

寄馬適菴老師

秣陵之碧雲菴遲張孺愿不至

補送張叔孺愿升胄子南遊上國

思青溪社諸友不能入城取晤賦此致情

涉川

辱王太湖日遣車騎相候勉留三日還之賦謝  
寄題王行父柯山園一首

挽葉子奇

題海曙樓

王季夏太史揚州待告為詩見寄白下賦答此

首

寄張高州孺覺

和人失鸚武

村居承陸華甫遠過又得陸無從手書知其近

狀有感作

朱孟明聞仲連張孺宗見過

老去

雜詩

故人留飲却其侑觴者遂醉宿其堂

睡起

思會稽山水之妙便欲移家

辱郡侯張公祖惠曆賦謝

春寒

楊漢卿索長干故人書書此為牘

寄陳內言思進

柬王四太史在病

過節縣故墟作

尋東吳資壽寺

贈法公

初夏送張三孺愿太學應南都秋賦

送趙太常之官南都兼柬婁東王司馬  
龍郡丞伯貞以賑饑行輒有作見貽奉和原韻  
宮怨

表第戴七十七惟周七十生朝携杯酌之賦此  
為壽

汪長文書來有遺世之志予讀之異焉乃為賦  
四韻詩荅其雅而憇愚之

曉月

題白君廟壁

寄温州教授龍君善二首

寄送張高州入覲

初雪

五少宰甲第已成奉老親安居丹賦為賀

廿八督學聞予病甚直從撫州買人參走使遠

及賦謝

除夕

己丑元日試筆

春寒二首

元宵作

偶翻舊草見有三極殿成儼詞臣應制之作再

賦一首

舊作附錄

寄訊曹子念

春日送馮孟陽去留都

春田翁王賁仲行年八十詩以壽之

荅贈王說仲

寺宿

送張高州覲還赴任

郭督學舜舉從南粵書來貽我酒錢兼國初詩

人孫仲衍集賦謝

舜舉督學以粵臬徙官晉藩寄送

送箕仲參蜀藩政侍老親駐節棘道

逸園詩為芾斯宗侯作

青藜閣為履方宗侯題

夢中賦得柳中柳醒而異焉記之

君房督學書從關中來兼示學政諸刻深喜三

秦得師因賦一詩奉答意蓋欲久道化成云耳

豐對樓詩選卷第三十五

甬句東沈明臣嘉則父著

從子沈九疇箕仲氏選

七言律詩

贈胡國博穉明

彈琴縣令名何美國子先生道更尊一代文章歸虎

觀千年鍾鼎重犧罇又如戴聖明三禮何似昌黎在

四門莫道儒林非漢日瘦羊清譽藉君存

過趙媪館話舊

二十餘年別舊京相逢不語恨難平亭臺識我非生

豐業樓詩選 卷三十五  
客花竹依人似有情  
雨色到簾青  
欲滴爐煙滿院白  
疑晴坐聽往事言  
言淚無限  
淒涼柰此生

淮濱新第為吳幼安孝廉賦

闔爽更來桂棟新  
秣陵山色正宜春  
求羊綠竹初開  
徑王謝烏衣近  
作隣門外水通淮  
口堰檐前雲起石  
頭津知君定著閒  
居賦好待趨庭學禮人

投贈姚大名敘卿

聞君三十已專城  
姚合能詩又擅名  
宮妬楚腰偏細  
細舞輸漢掌  
獨盈盈郊居花竹供題品  
上國文章藉  
主盟十日平原還  
縱飲論交不淺布衣情

迎春日記事

丙戌蜡月廿八日為立春節  
先一日京兆迎春於東郊  
同姚太守吳孝廉姚陳兩太學過  
金明府應祥宅觀春  
應祥家長干里能言舊事云  
武宗皇帝南巡時迎春日以魚服混  
於塵中見其家大樹集烏突入而彈之  
衆官皆微服以從  
因賦贈一詩以記其語

白髮仙人在考槃  
地稱佳麗正  
長干門深五柳如  
元亮宅近東山又謝安  
武帝金丸親落烏千官寶馬  
盡空鞍聽談往事驚  
霏雪今日逢春合共歡



立春日為丙戌蜡月二十八日同宗人陸經歷  
前軍馬經歷後軍陳都事集前軍喻都事園

亭作

白髮堪稱草莽臣帝京風物自留人六街車馬香塵  
暗萬里河山淑景新氣轉金陵元獨王歌傳玉樹正  
逢春冠裳四座歡無極共祝昇平向紫宸

草閣新成詩為陳嘉之

京國風塵已倦遊歸來自結水邊樓隔村可買杏花  
酒近渡猶橫桃葉舟點腕琴書憎乳燕去來沙渚愛  
輕鷗最憐洗硯池頭石殘墨淋漓濕不收

甯升之老於文學未得推擇詩以勸駕

明經莫道老文場青桂生花老更香六月息搏鵬萬  
里一枝栖穩鳳千翔晚成自昔稱材大遲發須知是  
弩強丞相欲開東閣待公孫六十應賢良

三之日王太常敬羨約携尊過訪長干僧舍久  
候不至因赴社友之招頃之太常至聞而復  
還太常又返駕矣正所謂交臂而失之者也  
詩以記之

長干為客寄空門淮水初收凍雨痕栢葉偶趨新社  
會梅花空負故人樽春風相失憐交臂斜日微吟欲

豐華詩選 卷三十五  
斷魂寄語太常時斷酒倘逢齋日便過存

枕上聞雪

丁亥元日萬曆歲兒童報雪盈寺樓袁安正穩客窓  
卧王子空回剡水舟披衣欲起覽竒勝輒復抱枕還  
沉憂元日雷電舊冬熱東風冷射雙酸眸

六之日雪後方子及携榼過天界寺周文美客  
舍同其親林繼華其子方伯書分松字

春日尋春春未濃梅花將盡草將茸青山罨画留殘  
雪紺殿分雲到古松叔夜入林先問酒劉伶荷鍤不  
携筇僧房自響雲中磬歸去空門夕影重

人日集姚玄胤寧壽堂分遥字

客况逢君破寂寥故鄉千里忘迢迢風流江左猶王  
謝名閥開元憶宋姚節序世間人日至禎祥天上卿  
雲遥草堂今夕題詩句細向春盤一頌椒

為王孟起悼妾趙少霞少霞即連城姊氏

非烟非霧似輕霞怨逐東風散落花腸斷王郎桃葉  
渡名留金谷綠珠家履痕尚憶蒼苔淺遺桂空憐翠  
幙斜我亦與君同一夢楚雲湘水恨無涯

姚大名宅燈夕再賦

風流太守是姚崇召客觀燈赴雪宮入座梅花吹紫

豐登樓詩選 卷三十五 四  
玉滿梁明月綴青虹賞心豐樂名都勝過眼繁華六  
代空共把一杯沉醉別出門騎馬各東風

八和白燕

白燕何來忽一雙柳邊如雪剪春江穿簾影雜梨花  
色覓壘光分碧霧窓皓首也應相顧盼紅妝定不與  
歸降呢喃更語雕梁畔謂道烏衣又一邦

十和白燕

笑予紅袖辭已蚤頰汝白燕來相從一雙玉釵寒不  
理屢過銀塘暖更慵須憑遠去混鷗鴈且莫近前梢  
蝶蜂漢帝沉沉閉宮殿水晶簾壓花千重

十七夕同姚大名諸公集王子孟起宅觀燈分得

魚字

六街風雪春燈恨明月當空喜夜初線急玉輪催走  
馬氣衝銀鬣鬪飛魚鮫人淚滴青為瑣火樹花深綺  
作䟽醉擊珊瑚償未得笑着王愷意何如

再賦一首

觀燈雪後是王郎伐鼓徵歌客滿堂  
菡萏照人紅歆濕葡萄落地紫猶香  
月華星彩珠屏鬪電激雷驚火駁  
藏金谷定應輸此夜分明步障匝周行

胡懋誠枉過僧廬未及報謁乃辱佳篇見貺謹

步嚴韻復之

雪裏高軒枉客居浮雲今古一躊躇中原我欲歌衰  
鳳東海君來賦大魚它日敢辭千里駕新春先報數  
行書生平愛聽孫登嘯願向嵩山結草廬

吊許太常伯貽先生

昭代儒林許太常南宮名蚤冠文場五言妙絕追玄  
度四海風流哭子將白鷺江空風浩浩鳳皇臺冷月  
蒼蒼青山吊鶴歸何處鼓子花開自夕陽

春日登樓即事

春日春風快此遊青天綠野一登樓行吟送客逢僧

晝坐隱驚人見奕秋画棟高栖新燕子玉人低抱舊  
篋篋風流莫說前朝事且醉江雲信白頭

挽金在衡

一代詞人九十翁丰神如鶴氣如虹只今風月誰為  
主千古江山恨不窮板拍紫檀遺曲在調傳綠綺舊  
絃空門前萬里王孫草歲歲春風綠自東

代陸宗人懷寄費思明郡丞

烏府聯班憶往年一官何事獨南遷書悲銅柱無歸  
雁水怨炎江有站鳶夢欲入雲迷粵嶠心空隨月到  
蠻天土風醫藥聞米少日願加餐且晏眠

二月二日同姚敘卿諸公集甯升之宅分黃字  
東風澹蕩水雲香客滿周顒舊草堂草色薄沾朝雨  
綠柳絲輕帶暮烟黃門前地是丹陽郡宅畔波連朱  
雀航共把一杯春社酒莫因吊古便淒涼

過馬湘蘭佛堂文酒晤語輒申斯贈

春風巷底見湘君藕色羅衫白練裙心鏡正如懸寶  
月髻花猶自濕青雲罇前玉屑霏堪拾坐裏蘭香襲  
可聞借問南朝女學士可能懸解梵王文

二月六日與社中諸君集姚使君芳樹軒分淮  
字

雕園画檻正邊淮二月梅花尚滿齋怪汝獨驚孤客  
眼笑它不傍玉人釵開將冷艷供香雪落以繁英點  
繡階急遣一罇澆磊塊不然幾不破愁懷

過李臨淮宅直入後圃躊躇池亭樹竹之間其  
弟太學君云有使者入京賦寄此首

衛公手縮通侯印碣石宮懸大將旗日月九天扶聖  
主華夷八海歟王師低徊不去芙蓉閣信步行吟鴈  
鴛池何日定瞻雙燕領博君上駟與相馳

送甯升之之淞江訪吳按察

送君亭子過勞勞雲外春帆去漸高西吊吳宮迷徑

草東臨禹穴隔江濤六橋花柳唯雙屐三竺樓臺在  
一舸薦士吳公聞第一可能無贈呂虔刀

僕將去歸留別雅游諸公一首

萬里江山千里家白頭何事在天涯鄉心正觸初來  
燕客恨翻深未落花無柰春風折楊柳更憐明月送  
琵琶故人珍重頻回首莫惜題書道路賒

答贈顧太學

任俠公孫姓字香風流真是顧長康借交寶劍藏秋  
水贈我新詩出夜光竹葉酒侵青玉案桃花馬控紫  
絲韉思君它日難堪處自數南天去鴈行

贈詹太僕

題詩曾一寄相思神向閩天萬里馳國富對人今數  
馬聖息起汝自湘纍匡時諫草焚雙淚不朽功名立  
四陲指點瑯琊山色裏不妨携酒聽黃鸝

丁亥上巳姚二仲長園中修禊分得雲字

修禊名園傍水濱相携都是鳳皇群滄波倒插浮屠  
影綠樹平分雉堞雲萱草翠痕侵錦帶死央綺翼襯  
緗裙如何不飲空歸去翻勸文君醉欲醺

過滁陽訪贈沈太僕純父

擊隼名垂宇宙高幾年南海夢魂勞賜環符璽才京

兆柱笏瑯琊又馬曹豐沛漢家元帝里洛瀍周室是  
神臯過從正好焚香坐莫昵浮雲誦楚騷

送陸宗人承道擢守石阡

南北翱翔只繡衣十年今始拜金緋雙旌萬里荆南  
去五馬專城漢節稀借補漏天須愛日掃除蠻瘴是  
王威預知明歲朝天轉定御舩舩楚水歸

丁亥三月廿有三日梁明府紹父携尊文明閣

邀同兩學博陳伯明凌汝容賦

鳳皇山畔有高樓直俯長江萬里流建業春雲生極  
浦歷陽古樹帶滄洲一罇笑語千秋事四海冠裳此

夕留昔日文翁曾化蜀使君今是武城遊

與詹少卿爾欽遊開化寺一首

瑯琊深秀語清真此景偏應屬暮春空谷鳥聲聽轉  
寂白龍潭影淨無塵千秋古寺邀詩句一日青山得  
主人酒散夕陽歸去緩野花烟草送征輪

贈楊太僕止菴時起廢來丞寺才十日即欲疏

請致政

性本楊雄只草玄懶隨執戟願歸田馬曹似是才旬  
日畏壘依稀已廿年紅藥過看同舍雨青絲細簇長  
官筵約余明日還南去古寺瑯琊一問禪

寄馬適菴老師與楊太僕為鄉人且好友

翹首門墻二十年  
樞衣猶使夢魂牽  
瞿今舉子裁詩報  
鯉也趨庭喜客懷  
玉山中曾幾到  
葛陽溪上足高眠  
偶於萍水逢雙鯉  
一勸加餐幸勉旃

秣陵之碧雲菴遲張孺愿不至

故人新自故鄉來  
一水盈盈隔九垓  
兩字平安猶未報  
數聲靈鵲尚堪猜  
朱顏憶汝霜前別  
笑口憑誰月下開  
銀燭高烧花粲粲  
不眠終夕自低徊

補送張叔孺愿升胄子南遊上國

大江春水夜來平  
到處桃花夾岸生  
五馬渡分京口

月六朝僧住石頭  
城雲深極浦帆初落  
雨霽前山鳥獨鳴  
楚楚冠裳通海外  
聖朝今日正文明

思青溪社諸友不能入城取晤賦此致情

元夕看燈二月花  
題詩日日記韶華  
留都勝事前人少  
六代風流我輩誇  
去住惓憐饒客恨  
風雲容易失天涯  
一鞭取晤非難事  
其柰行人急赴家

涉川

浩蕩無如涉大川  
長風萬里豁青天  
江潭夜宿魚龍上  
島嶼朝行日月邊  
海外片雲應作雨  
望中乘鴈欲生烟  
靈槎使者今誰似  
河漢年年八月旋



辱王太湖日遣車騎相候勉留三日還之賦謝  
文章一似馬相如為政猶憐畏簡書吏食道傍烏攫  
肉官居舍裏釜生魚五絃彈罷青山出雙鳥飛來白  
雪踈我有蒯緱嘗自秘敢因君賦出無車

寄題王行父柯山園一首

聞道名園水上開三湘七澤自縈迴荆雲抱日蒸花  
氣楚雨生涼入酒杯古寺鐘聲隣樹起武昌山色隔  
江來君家王質逢棋者柯爛千秋首重回

挽葉子奇

萬里驅馳去覓官秋風車馬困長安一名始信天曹

重三語由知漢掾難客舍承塵先報鵬旅魂歸旆忽  
書丹平生故舊唯雙淚零落空山草露溥

題海曙樓 故名四明偉觀署書極佳本郡之

嚴譙也萬曆十三年灾十五年府主同安蔡  
公重建改今名

太守新成海曙樓風光絕勝古名州八窓曉射扶桑  
日五夜晴披析木流戍鼓沉沉催萬戶漏聲點點滴  
千秋丹山赤水高深處唯有甘棠咏蔡侯

王季夏太史揚州待告為詩見寄白下賦答此

首

豐堊樓詩選 卷三十五  
白頭仍作少年遊日日秦淮見水流珍重故人勞遠  
寄風流新句慰閒愁揚州春入瓊花夢古渡寒生桃  
葉舟休沐何時歸甬上輞川高咏許相酬

寄張高州孺覺

五馬如龍躡海雲高涼太守號神君已知電白青天  
外更道珠還合浦濱山館荔枝紅射雨宮墻羅薛翠  
成紋閭閻倘有逃名士露冕行春得自聞

和人失鸚武

鎖斷籠開語即稀花間一出便西歸永辭金屋逍遙  
去暫接青雲自在飛月暗夜深何處宿風高天遠竟

誰依狡童挾彈終虞汝恣為能言更綠衣

村居承陸華甫遠過又得陸無從手書知其近

狀有感作

荒村潦後柴門在落木蕭疎積水寒忽枉蘭橈驚老  
瘦劇憐鳥道去艱難留君不住空山色知我無營只  
釣竿雨雨風風都是恨陸郎消息轉堪嘆

朱孟明聞仲連張孺宗見過

三鳳翩翩下赤原滄洲歷歷繞孤村涼生秋色柴門  
淺日注江光草閣暄盤薦香芹來碧澗罇携仙酒自  
麻源相期更許重相過指點前村古曲轅

老去

老去何嫌嗜獨醒  
草玄終日坐空亭  
梅花白雪頭俱白  
竹葉青山眼自青  
三百篇為囊裡句  
五千言是案前經  
浮雲世事元無定  
長日移陰過小逵

雜詩

枉却題橋駟馬車  
弄琴卓氏復何如  
曾聞彭澤唯栽柳  
但說虞卿獨著書  
明月那堪歌赤鳳  
春風猶自泣前魚  
白雲天末誰回首  
眇殺羅裙暮倚闌

故人畱飲却其侑  
觴者遂醉宿其堂

歌舞何須說檀場  
画堂銀燭夜初央  
碧階瑤草寒相映  
翠幙瓊枝暖欲香  
十載芳心銷此夕  
五湖行色謝他鄉  
也知吾自憐頭白  
從此無心學子長

睡起

白頭睡起竹樓陰  
對景何須嘆陸沉  
蕉鹿夢回三啜茗  
土牛騎罷一鳴琴  
青山到眼斜陽外  
黃葉懷人秋水深  
誰假誰真都莫問  
只宜行坐但微吟

思會稽山水之妙便欲移家

登臨處處好移家  
宛委山前問若邪  
越國六千君子卒  
鑑湖八百里荷花  
滄桑未必非成數  
今古何須此重嗟  
我欲終為投老計  
恨無錢買貫星槎

辱郡侯張公祖惠曆賦謝

臥病空林歲月長却忘身世似虞唐但聞五馬新臨  
郡不道三陽蚤破荒窮谷遠回黃道日江梅先領使  
君香五行正屬田家事願率群農祝歲穰

春寒

冬暖春寒令頗偏不知帝者用何權江城但見梅花  
晚草閣唯看曉雪妍萬里王程冰轉凍千村野突晝  
無煙兒曹社鼓聲悲壯妨却山翁一夜眠

楊漢卿索長干故人書書此為牘

青春江上仍多雪帝里風光憶去年連夕故人燈下

酒一時才子社中賢相思每到翻詩卷別恨無由寫  
素箋今日偶逢君羽便臨風一奏鳳求篇

寄陳納言思進

懷人空自采芙蓉碣石宮前跡莫從給諫昔年真比  
鳳納言今日信如龍乘舟尚擬仙堪並投轄還憐醉  
獨濃遙想銀臺雙闕下曉風寒聽未央鐘

柬王四太史在病

春來儼作看花伴何事偏於枕簟安豈是著書消渴  
甚定非計日帶圍寬山中有客皆携酒水上無人不  
握蘭寄語風流王太史請從白社共為歡

過鄖縣故墟作

四顧蒼茫感慨生也曾棲借一枝輕山光水色仍相  
待物態風煙幾變更野老口傳秦駐日官奴名寄漢  
家城廢興今古尋常事無奈桃花繫此情

尋東吳資壽寺

東吳市畔有招提太白山前路稍西鐘梵遠疑千壑  
應寺門平瞰萬峰齊亂藤走壁青連瓦古樹橫橋綠  
覆溪一日為僧知便得何須剪髮是皈依

贈法公

愛汝為僧迥自優不貪米汁嗜茶甌問年手種松如

斗結夏身依竹似秋不二法門忘說偈長明燈火自  
添油我來共作伽趺坐小品齋頭得暫留

初夏送張三孺愿太學應南都秋賦

吳越山川積雨收潦餘君自買行舟長江雲盡千帆  
出上國鶯啼萬樹稠馬勒黃嘶槐市晚鵲袍香滿秣  
陵秋蚤知得意張平子定不臨風賦四愁

送趙太常之官南都兼東婁東王司馬

齋宮日日只醒然屈指清卿覺汝賢殿上朱衣曾破  
膽諸天白佛敢齊肩有時對酒唯携客何處看山不  
費錢借問逃禪誰得似江東司馬最堪憐

龍郡丞伯貞以賑饑行輒有作見貽奉和原韻  
單車日日走荒山王事勞勞不肯閒殘樹斷煙逢野  
戍空林落日度江關遙知到處生愁眼相對何從覓  
笑顏杞國有人憂不輟莫教五馬便東還

宮怨

共驚花貌妬春風同伴齊來問守宮照膽秦蓮懸曉  
鏡出溝唐葉任秋紅自題紈扇回明主誰把黃金賂  
画工縱是相如能作賦長門何事與交通

表弟戴七十七惟周七十生朝携杯酌之賦此  
為壽

汝母吾姑汝父師燈牕共讀憶當時校年稍大漸稱  
長比德無多愧所知不及子桑能裹飯空憐竇叔只  
題詩相逢更喜貧而健指點南山把一卮

汪長文書來有遺世之志予讀之異焉乃為賦  
四韻詩答其雅而憇憇之

紅塵無地白雲多萬片青山選薜蘿種樹書成名老  
圃養魚經在試新波傳家衣鉢堪兒授命世風流奈  
爾何稱病杜門如昨日倘逢明月肯相過

曉月

五更殘月上踈桐倒寫蛾眉怨曉風蛩失明珠魚駭

豐登村詩選 卷三十五 十一  
釣桂消金魄免藏弓踈踈星影河間沒昱昱浮光水  
底紅遙憶遼陽人萬里不禁楊柳蘧聲中

題白君廟壁

叢祠極浦從來重趙宋丁年第四宗石鼎浮行從此  
定白魚夢斷已無蹤寒泉自昔唯留井古栢於今盡  
化龍埜老年年供伏臘遲予江上采芙蓉

寄温州教授龍君善二首

君才賈誼主恩賒不謫長沙謫永嘉白日樓臺瞻蜚  
氣清秋天漢引靈槎宜從赤石浮滄海未許諸生隔  
絳紗雁蕩雲來都講罷席前須種武陵花

靈運風流尚可披謫君高卧海雲遲東甌城傍鯨人  
室西射堂臨夢草池楊震三鱣名不薄朱雲五鹿論  
難移詩成吟向江心寺只許僧房綠竹知

寄送張高州入覲

南去高涼路幾千美人爲政已三年枕柳樹杪懸樓  
閣萱蔻花中出管絃韓到潮陽驚鱷徙孟來合浦報  
珠還朝天五馬長安入益信當時京兆賢

初雪

對雪高樓且獨吟可無紅袖與同斟僧歸覓路迷幽  
徑鳥去投枝悞遠林海樹漸添花力重馬蹄初沒燒

曹聖相詩選 卷三十五  
痕深未湏報折南山竹江上孤舟許見尋

五少宰甲第已成奉老親安居再賦爲賀

東第初成碧水清參差樓閣半青雲庭花書拂珠簾  
影簷柳晴搖玉簟紋日月湖開天地朗蓬萊山近古  
今聞長生有藥真堪采堂上人稱滄海君

廿八督學聞予病甚直從撫州買人參走使遠

及賦謝

春至人參五葉敷遼陽地遠客來無忽驚楚使三千  
里絕勝隋珠十五都不與相如消病渴正宜杜甫補  
羸軀君臣檢點吾饒用鼎鴈調劑願汝圖

除夕 戊子

歲晏山空此夜除流光七十度全虛木雞養就心何  
在秋水篇長讀自徐子敏政當頭責讓韓生忽笑鬼  
椰揄明朝欲遣娛晴昊故插梅花滿舊廬

巳丑元日試筆

旭日祥雲滿上都春盤綵勝照屠蘇膝前兒女初勝  
拜牀上詩書儼欲鋪引坐未能留客久試行猶自倩  
人扶霍然起色俱稱快滿地江山一老夫

春寒二首

數日江南暖氣回如何又作朔風威但逢五出飛花



豐堊梅詩選 卷三十五  
至不見三陽淑景來江上燒痕平未出山間藥種細  
難猜草茅自爾多貧病日暮何堪一舉杯  
東風吹雪點羅幃冷射珠簾晝亦垂草色縮青難滿  
地梅花斂白不盈枝濡毫雪楮冰凝字呵凍烟螺澁  
画眉起傍雕闌問鸚武搜衣噤語荅移時

元宵作

江上荒烟正寂寥誰將村鼓鬧燈宵只緣賽社遺風  
侈遂使狂童習性驕火燎燭天喧野廟花鈿盈路走  
官橋不能化俗空回首只合臨風誦解嘲

偶翻舊草見有三極殿成儼詞臣應制之作再

賦一首

海甸風雲碣石新漢家宮闕對嶙峋九重天上魁三  
極萬國寰中御一人王會衣冠忻再覩大明日月煥  
重輪群臣欲進河清頌重譯先來白雉賓

舊作附錄

三極新從天上開聖人常自御蓬萊重懸日月當黃  
道再闢山河奠紫臺雲捧千花春似海嵩呼萬歲響  
如雷即看百辟儀刑處玄穆垂衣果大哉

寄訊曹子念

白頭四載別曹生落日江湖萬里情故舊半凋無酒

豐登樓詩選 卷三十五 十九  
伴文章全似有鄉評晚來舉子雙男女老去為歡一  
舅甥借問桃花紅幾許可能結果待秋成

春日送馮孟陽去雷都

送汝將遊白下歸不妨尋醉典春衣山深日落盧龍  
觀江濶風生燕子磯莫向六朝傷往事且隨三月賞  
芳菲故人此去吾今老把手躊躇立翠微

春田翁王賁仲行年八十詩以壽之

短髮長髯玉作容慣披鶴氅似王恭只騎黃鵠隨青  
鳥不煉丹砂友赤松天酒千杯酣沆瀣仙衣萬片剪  
芙蓉共言八十如嬰少子晉吹笙駐碧峰

答贈黃說仲

臥深東海日思君愛汝新詩迥不群白雪直侵霞嶠  
月青天高送石梁雲欲貽芳草千山隔近得清音一  
水聞玄晏空言難重左誰將驍騎剋三軍

寺宿

偶從病後宿江城古寺高齋夢不成半夜空階聞雨  
滴五更欹枕報鐘晴麥秋欲近愁時濕魚市將開訊  
海平何事鯤人輕犯禁戈船獻馘令分明

送張高州覲還赴任

高秋氣爽馬駢駢太守朝天露冕歸白日緋猿啼絕

豐登樓詩選 卷三十五  
二  
傲青枝紺蝶舞行衣  
鹽催橄欖銀坑落  
炙入枕榔玉饌肥  
漲海故知回鴈少  
相思只賦鶴南飛

郭督學舜舉從南粵書來貽我酒錢兼國初詩

人孫仲衍集賦謝

鴈足新從漲海來  
八行萬里五羊裁  
封緘猶帶羅浮色  
驛使先傳庾嶺梅  
贖券酒家金錯至  
高吟古調竹書開  
山陰夜雪堪乘興  
江上星槎幾日回

舜舉督學以粵臬徙官晉藩寄送

才從粵海貢珊瑚  
又以天章徙絳都  
跼入太行雲萬里  
家臨上黨月千鋪  
龍門禹甸迎飛蓋  
晉水堯祠走

傅符試問先賢高子業  
棠陰幾樹在前途

送箕仲參蜀藩政侍老親駐節楚道

甸宣王路七千里  
扶持嚴親九十餘  
滿道壺漿蠻戶捧  
遍山銅鼓漢時儲  
馬蹄秋入雲邊棧  
魚腹春沉天畔書  
痴叔空憐頭白盡  
也應回首念懸車

逸園詩為芾斯宗侯作

帝子為園逸興長  
直將南浦作濠梁  
妝成洞壑含風雨  
削出峯巒學鳳皇  
鴈入曲池迷曉夢  
雲來叢桂染秋香  
誰如宋玉多才藻  
遙挹雄風賦大王

青藜閣為履方宗侯題

青藜高閣五雲中漢室更生帝胄雄異代何人傳素業大明有客擅宗工五經貯腹追金卯半夜逢仙降彩虹笑殺子安空有記滕王何事不同風

夢中賦得柳中柳醒而異焉記之

舊營衰柳腹中空復有垂楊出腹中漢代春雲撩未足隋家烟雨弄還工葉隨張敞眉邊月枝入靈和殿裏風夢斷遼陽亭障日依依猶傍枕前紅

君房督學書從關中來兼示學政諸刻深喜三秦得師因賦一詩奉答詩意蓋欲久道化成

云耳

萬里緘書雁足新一時師道重三秦獨先檢押偷功令更飭文章式古人六郡諸生歸大雅關西夫子是前身黃河華嶽增高廣莫慼驅馳歲月頻

豐對樓詩選卷第三十五

豐對樓詩選

卷第三十五

三

曹對樓詩選目錄卷第三十六

七言律詩

城西樓夜送客

東鄭朗

山東傅侍御伯俊為母太夫人進香補陀返至明州郡城相見奉贈一首

東伯翼

新詩

客有以半溪半村為號者各徵詩因戲為元白體以塞之

送龍君善北上赴太學博士任

巳丑除夕

問答一首

東善長侍御東巡復命

詠木筆

漫成

記昔年秋日與友人遊采香徑作

少宰携罇遊宿雲閣同張孺愿孺宗太學金越

石秀才用雲字

坐兩僧寮與如公登鐘樓

喜王元美司寇致仕賦寄二首

贈八十翁華兆和

尋句章故縣

光溪懷古

敘別

三伏無雨

再挽楊三太學

月夜懷田亦前軍

過余相公東錢湖上藏書處因追憶其平生漫

賦

七月望夜作

訪胡杭州爾潛太守二首

懷吳四汝震遠遊

送周吏部君衡北上考績

再送周主事兼訊家禮部一中

讀鄭朗所寄詩喜甚賦此答之末用吳季札事

緣其痛子深乃為寬解

遺蜡

寄題安陸何典客仁仲甘露園

寄題仁仲采芳園 挽華處士雪菴

紀異 送吳明區歸毘陵二首

空閨恨 府主張公賜曆裁謝

王生寫山水障子

李生為予寫照自述一首

姚江懷古 過江

清明日鶯脰湖舟中值雨作

酬別茅生 有序 答贈唐大拙海月和尚

浴佛日北山即事

環翠亭為凌仲子价卿題

搗鼓 鴈聲

懷歸 留別署中榴花

至瓜州覓家信不可得日坐逆旅主人空樓書

所見 通明閣晚眺

歸 和答鄭朗見寄

聞君房自解大參而歸喜而遲之

朱定國秋賦東還慰之

閨情 送李伯遠北上春試

江上贈故將軍

豐登樓詩選 卷三十六 三  
聞學悅支還自五臺急欲相晤賦此逢之

題許氏躡雲亭

星槎閣

青環閣

朗吟樓

至夜約之席上即事

挽秦少悅侍御

題華亭超果寺

贈胡安父

辛卯除夕用文徵仲壬午除夕韻

袁生民慈業儒一旦投師爲佛弟子改名圓復

字曰休遠落髮茲日詩以贈之

豐登對樓詩選卷第三十六

用句東沈明臣嘉則父著

從子沈九疇箕仲氏選

七言律詩

城西樓夜送客

垂楊繫馬上高樓結束輕裝事遠遊  
明月中天當睥隄清霜子夜滿筵  
簇飲金射石聞猿臂投筆封侯說  
虎頭成敗不須論往事勸君努力向邊州

柬鄭朗

獨坐高齋喜病瘳真堪連月不梳頭  
竹深日綠迴芳



榭芸暖書香靜嘯樓兀刺一經窮四聖澄心萬卷足  
千秋最憐茶熟詩成後風動青緗月在鈎

山東傅侍御伯俊為母太夫人進香補陀返至  
明州郡城相見奉贈一首

萬里來尋三佛地不辭行路最間關却於何處拋驄  
馬只學山人戴鶻冠於越曉衝江雨過洛伽秋泛海

潮還乞靈惚為高堂祝領得慈悲夢裏顏侍御夢大  
士親與晤

語及太夫人事  
佛恭勤狀甚悉

柬伯翼

相如病肺時應減七發何能寄茂陵豈使梅花空爛

熨定將詩句與馮凌庭前綺樹寒仍綠谷口閒人靜  
似僧唯有懷卿心獨遠更思雪裏策紅藤

新詩

性靈陶寫賴新詩覓句尋題雅好奇常侍何人榮虎  
子滑稽吾自號鴟夷竹間但有閒來賞淇上曾無少  
日期昨夜忽聞簷鶻喜喳喳報客到門遲

客有以半溪半村為號者各徵詩因戲為元白

體以塞之

三分荷葉兩分菱深著漁舠淺著罾欲取一溪全作  
勝獨憐遠水半難憑山川畧約如同谷風景依稀似

武陵去路漁郎須認記竹棚西是紫花藤

一溪楊柳半村烟慣引漁郎扣小舫風雨不迷新渡  
口月明常釣舊磯邊青山曲轉人來路綠樹橫遮鳥  
去天記得秋時曾賽社鼓聲剛到石樓前

送龍君善北上赴太學博士任 其尊人為明

郡丞故從温州學博來別我甬上其兄孝廉  
君頃亦過之渠前任故徽郡士師故詩中有

展禽西射堂等語云

凍雪初消江水渾送君落日倚潮痕展禽曾未榮三  
仕韓愈今將赴四門西射堂前春夢草甬句東昨夜

銷魂帆前即是青雲路萬里烟霄看獨騫

巳丑除夕

百歲光陰去若催小筵兒女爲除開黃公里去衡門  
近綠雨溪臨丙舍迴笛裏自吹江上柳隴頭人寄雪  
中梅已拚霜鬢明朝甚且送殘年覆綠醅

問答一首

問汝胡爲漫答云風塵誰得點夫君自憐多病饒清  
夢那肯因忙負白雲與客過隣還看竹任人從仕不  
移文年來獨怪憂時切只嗅梅花想右軍

柬善長侍御東巡復命

豐堊樓詩選 卷三十六  
桓驄行步古來工直指燕山碣石東萬里山川通禹  
貢九邊寰宇被堯風漁陽古戍無鼙鼓遼海高天起  
鴈鴻遙想烏臺歸漢節帝城春色五雲中

詠木筆

辛夷欲試楚宮花南嶽夫人出魏家正恐樊姬臨鄂  
渚却嫌鄭袖倚章華紅蓮破萼羞晴雪紫筆書空刺  
曉霞轟轟東風吹杜若騷人空自怨懷沙

漫成

筆札重煩賦大人挾山超海力難陳太行豈是愚公  
徙鴻水終非息壤堙萬里滄江堪濯足千峯明月許

藏身畫圖不到胥靡處閒晒中林漉酒巾

記昔年秋日與友人遊采香徑作

青山到處好從容勝地幽尋藉此筇響蹠廊邊遊日  
妓靈巖寺裏講時鍾繁華寂寞唯秋草風雨陰晴有  
暮松莫向礪阿生感慨相携沿路采芙蓉

少宰携尊遊宿雲閣同張孺愿孺宗太學金越

石秀才用雲字

春城綠遍午氤氳萬井參差竹樹芬古殿全收江郭  
雨飛樓半割海天雲侍郎故有登臨興諸士能爲紀  
勝文落日似邀山色駐青青欲與酒杯分

坐兩僧寮與如公登鐘樓

空堂坐雨復何爲  
睡眠朦朧不自支  
書卷倦來拋去  
易鑪香歇處  
續還遲  
門前綠漲沉行路  
郭外滄波走  
大陂便欲登高破  
寥廓一凭闌檻黑雲垂

喜王元美司寇致仕賦寄二首

王事驅馳三十年  
完名今日始歸田  
文章七子中原盛  
經畧三湘楚國全  
金谷南臨滄海月  
錦帆東下秣陵煙  
弇州猿鶴知無恙  
迎得王喬不老仙

白頭司寇謝神州  
卷却絲綸理釣舟  
天地五湖堪汝長  
朝廷八座好誰留  
東山墅裏棋聲午  
綠野堂前樹

色秋莫道不如年少日  
儘教紅袖笑藏鈎

贈八十翁華兆和

太守承家自桂林  
風流公子重南金  
青谿但有披裘

釣白石曾無扣角吟  
櫟社千秋同水上

句章十里古城陰  
知君本是神仙種  
勺漏丹砂不

用尋兆和祖母乃呂純陽後

尋句章故縣

句章縣已千年廢墟里  
猶傳是古城  
樹樹好花皆異色  
聲聲野鳥自呼名  
石田幾處誰同井  
茅屋三家是  
偶畊聞說漢時陂  
近在宦遊今日想屠生

傳有漢時舊陂在句

章之墟友人屠田叔用以自號

### 光溪懷古

十里郊墟山水都古今遺事未應誣采芝故近黃公

里洗馬猶傳賀監湖六代衣冠成塚墓六代謂天順成化弘治正

隆嘉靖德慶千家烟火屬薜蘿青天回首歸何處落日千

峰興不孤光溪之東西南北廿里間衣冠萃止稱盛

如干人稱文學者如干人而抱德懷才藏名丘壑者

又不可枚數進士則鄭宏樓東張輔朱凱鮑璋呂和

周致華愛陳璧趙吳陳東全元立而璧交來有文章

名束尤稱最去以吏兩發解位終都給事致以延慶

寺僧出身知縣事元立以翰林學士為少司空明經

則趙瓚趙珪趙政趙敏趙楷一家凡五人而樓偉王

鏞陳欽全文而政為郎中文學則陳世則善著論陳

鑾出貢方綱以博學稱而子方可能詩子方石稱才

### 敘別

握手天涯路正貧別時無奈兩情親眼看萬里薜蘿

綠腸斷千山杜宇春匣有青虹堪作伴囊無明月可

投人贈君欲借鮫綃淚泣向風前顆顆勻

三伏無雨

年年憂旱復憂兵準擬今秋歲獨盈三伏劇憐農匱

竭四郊唯恐盜縱橫未聞黑水鱒魚出豈料丘山顛

鳥鳴昨夕月規看仰瓦定應好雨及時生鱒音團顯音媛二物

見則  
早

再挽楊三太學

長策脩韉趣短途是誰槌落此珊瑚氣凌健鶻翻青  
漢才逼飛黃逸紫衢先賦白雲疑楚此隨吟柳絮詫  
吳歛祗憐人世秋如昨夜半空堂泣蟪蛄

月夜懷田叔前軍

憶別江干幾度春渚花汀葉自相親人情却笑如翻  
手官職何論似積薪水色周天堪作鏡月光鋪地欲  
流銀相思此夜無南北穆穆清風一故人

過余相公東錢湖上藏書處因追憶其平生漫

賦

探花祭酒美難論鳳閣鸞臺一品尊食盡萬羊無剩  
祿官聯四子有餘恩藏書太史歸何處賭墅東山泣  
斷魂不作平津東閣士也曾傾蓋立江門

七月望夜作

最憐明月是今宵眼界清虛淚欲飄赤地可堪千里  
遠絳河其柰五雲消蛟龍豈受村巫檄蜥蜴難將旱  
魃銷縱使廣寒宮不閉也應無翼上青霄

訪胡杭州爾潛太守二首

杭州原是古臨安越水吳山地最寬白馬潮聲分禹

豐登樓言  
卷三十一  
穴黃龍潭雨過嚴灘使君爲政風流甚客子行歌世  
路難今日錢唐波較淺一帆才渡又江干  
問君何似向杭州曾到西湖幾度遊水色山光依舊  
好荷花桂子不須愁安時未免勞心計治世尤當急  
隱憂聞說今年秋更熟可堪携客一登樓

懷吳四汝震遠遊

白駒墮地卽長奔詫汝吳卽愛出門匹馬直教穿紫  
塞一身常自走中原故鄉山水空相待晚景妻孥好  
共溫况有蕪湖田一項不妨畊稼長兒孫

送周吏部君衡北上考績

周卽共道明如水吏部何須更說山帆帶秣陵秋色  
去衣沾御苑雪痕斑焚香夜宿清華省插笏朝趨鴛  
鷺班回首十年南楚服應憐今始識龍顏

再送周主事兼訊家禮部一中

水鑑才名滿舊京含香親去奏承明千年淮水縈天  
塹五色燕雲壓帝城閱歷關山饒客夢驅馳南北總  
王程阿玄封事聞初上埃得黃河幾曲清

讀鄭朗所寄詩喜甚賦此答之末用吳季札事

緣其痛子深乃爲寬解

昨手魚牋讀數巡蕃薇露浴喜津津雨深秋樹多生

豐樂堂詩集 卷三十一  
色病起新詩更入神莫便齋頭踈藥椀定應谷口過  
仙人君知羸博三號罷骨肉延陵豈不親

遺蜡

八月江村農事稀即看野老自忘機土風堪笑嬉還  
戲鄉社何論是與非繡面巴渝偷象舞画船簫鼓導  
龍歸百勞一樂元遺蜡秋水斜陽獨鳥飛

寄題安陸何典客仁仲甘露園

甘露園從何處開荆巫江漢楚雲隈眼穿鄢郢三湘  
路夢入章華萬里臺澧浦春花頻倚棹渚宮明月幾  
啣盃題詩一訊王孫草傳粉何郎歸去來

寄題仁仲采芳園

采芳洲上白蘋香草木平泉一足當是石便應堪醒  
酒有池無處不高陽樓臺暮景啣三楚天漢秋高動  
七襄寄語風流何水部梅花開日勝維揚

挽華處士雪菴

九十仙翁去不還春風秋月自人間婆娑社里誰鳩  
杖寂寞西隣是故山松下有菴閒暮雪水邊無影弄  
漁竿分明記得雩龍日急雨隨公滿四寰

紀異

仲冬風日尚生涼積雨連陰二月強錦樹不凋饒暮



豐登樓詩選 卷三十一 九  
色銀河斷盡絕秋霜誰將縮地移丹徼人着單衣似  
五羊郡國君公須燮理聖人端默在昭陽

送吳明區歸昆陵二首

甬上趨庭此日歸知君清淚欲沾衣神回漢口劉郎  
浦夢落江心慈姥磯秋月婵娟應共語春風鷓鴣定  
雙飛一尊出餞休辭醉老尉亭前鴈影稀  
才子西歸恨莫從三吳古道與誰逢朝弭烟兩樓邊  
棹夜聽寒山寺裡鐘水宿不嫌沽市酒野吟時或倚  
長松春來好問新楊柳別意何如折處濃

空閨恨

深宮滿眼見花飛夢裡逢君亦自稀不信英皇無計  
覓定知劉阮悔思歸空江夜響疊妃瑟銀漢秋拋織  
女機萬古相思今日淚敢辭無處寄春衣

府主張公賜曆裁謝

諸侯告朔頒新曆遙指江天及隱人豈謂一星當客  
座祗緣五馬散陽春野梅待雪緘香葢宮柳披風拂  
翠輦願率老農耜社鼓千箱紅腐報陳陳

王生寫山水障子

誰是當今顧虎頭多君為我寫滄洲高懸玉壘橫青  
漢險束龍門下急流元氣似從闌檻入白雲長傍棟

豐堊禱言是 卷三十六  
梁浮中間若箇蕭閒客濯足披襟不可求

李生為予寫照自述一首

誰把形容向此傳  
絲絲白髮照青天  
山河滿眼供鳩杖  
日月無私種鳥田  
閱世不須傷老大  
對人何必辯媮妍  
此心只在虛無裡  
直接羲皇萬古前

姚江懷古

重城一水夾桃花  
兩岸春烟濕萬家  
高閣憑凌祠廟出  
大橋橫截酒旗斜  
文成豹畧先朝盛  
忠烈鴻名萬古遐  
獨立低回懷往事  
東風無可訊重華

過江

過江三月經旬雨  
入暮高樓一笛風  
吹破客心千里外  
打回殘夢五更中  
劇憐歲月忙如駛  
自笑悲歡摠是空  
明日不知醒與醉  
與人何必校雌雄

清明日鶯脰湖舟中值雨作

扁舟無柰客心孤  
目斷家山墓草蕪  
千仞峯巒青崿岫  
萬村烟雨綠模糊  
花迷午夢飛蝴蝶  
柳聽春聲泣鷓鴣  
楚越陰晴難料得  
松楸曾挂紙錢無

酬別茅生 有序

憶與茅生吳門分手殆餘二十稔  
於茲矣不意辛卯之三月重晤于婁江  
王司寇所時司

曹聖樞詩選 卷三十一  
寇已收故彼此皆以吊至而茅生許過四明  
見訪恐其不果所約故有剡舟之喻既辱贈  
言故同韻賦此酬別用以道情愔致感慨云  
憶別金昌思惘然桃花如夢草如烟不堪共聽山陽  
笛莫便輕回剡雪船獸怪青春難借得各增白髮敢  
相捐殷勤此日河梁上買水斑荆是幾年

答贈唐天拙海月和尚

公子豪華故有名風塵轉眼世途更滄桑肯下雙行  
淚天地唯懸一片情海月江雲供洗鉢它鄉故國等  
浮萍英雄何必頻回首一嘯蘇門萬恨平

浴佛日北山即事

北山高絕梵王尊紺殿朱甍手自捫萬柳如城圍沃  
野五峯飛塔領中原層梯風捲霞綃麗曲沼萍分月  
鏡痕日暮綠車遊女去猶然紫陌避王孫

環翠亭為凌仲子价卿題

凌家亭子翠微中八面軒窓處處通山色過牆青不  
碍水光流玉碧還空客來得句吟風榭仙到吹笙向  
月宮藜杖欲尋何日可白頭高坐百花叢

槁鼓

槁鼓揚帆畫鷁奔少陵作客信乾坤登樓漢水留王

粲走士西川笑馬援一片五湖淹白日數絲微雨點  
黃昏蕙葭獨詠懷千古宛在中央孰與論

鴈聲

何處春聲落楚雲斷行踈影不堪聞定知玄極霜前  
動想到黃河雪裏分閨夢暗驚邊月曙旅愁深刺岸  
花紛故鄉砧杵它鄉淚塞北江南恨幾群

懷歸

自昔洞天雄四明我家高絕住層城二百八峯山氣  
紫七十二汀江水平夢魂歸去跨黃鵠客醉醒來吹  
玉笙借問樊夫人御者藍橋何事嫁雲英

留別署中榴花

愛花心性本來真縱是無情也自親不解行雲青  
入夢常將笑日絳為唇尋詩紅袖低扶客對酒朱顏巧  
向人經月與君相旦暮可能別去不傷神

至瓜州覓家信不可得日坐逆旅主人空樓書  
所見

客思沉沉不自知故鄉消息苦來遲江河水潤孤鴻  
斷樓閣天青五兩移炙輦不知齊辯士風流誰是鄭  
當時請停白雲朱絃調且賦小山叢桂詩

通明閣晚眺

通明樓閣出人家紫霧空濛綠樹間吳楚風雲開氣  
色江淮天地入躋蹙金鰲地涌南徐水鐵甕城連北  
固山今古嘖喉形勝在瓜州京口作重關

歸

秋風嫋嫋泛歸橈江上漁郎款暮潮寂寞水村斜帶  
郭蒼茫野樹遠通橋沙田早秫收堪釀石圃寒菘蒔  
已饒便有隣翁相過飲不妨巢許傲唐堯

和荅鄭朗見寄

吳楚歸來空白頭不禁多病怯登樓深悲風雨摧殘  
後回首江淮涕泗流聞說鯉人將鼓浪竟誰龍領待

封侯從來杞國憂非細和得新詩日轉愁

聞君房自解大參而歸喜而遲之

遲汝來歸狎五湖甬東男子好頭顱息機豈自高名  
譽還爵何論上大夫塵世茫茫卿月暗江天渺渺客  
星孤逢人昨日言竒事梅福空山有白駒

朱定國秋賦東還慰之

風吹仙桂落塵埃又報朱生下第來五鹿充宗終折  
角千金郭隗定登臺莫愁天上無名字須信人間有  
劫灰見說平津開閣者也會被放逐人回

閨情

寶鏡臺前鹿暗飛，流黃機上淚沾衣。  
遼西有夢鶯聲斷，塞北無書鴈影稀。  
素練手裁新袂去，金錢遣卜遠人歸。  
幾迴解帶翻成結，花自參差月自輝。

送李伯遠北上春試

三上春官氣獨豪，燕臺選駿馬蹄遙。  
穿楊射識由基巧，搏竹刀驚越女高。  
講罷定知添坐席，詩成應許奪回袍。  
我來勸駕春風裏，膏抹從君敢爲勞。

江上贈故將軍

將軍一劍定長安，江上歸來寄釣竿。  
金印舊藏盟府去，緋袍新贈故人寒。  
暫隨隣父臨鷗渚，也學潛夫戴鶻冠。  
只恐機心消未盡，夜深猶自夢登壇。

聞學悅支還自五臺急欲相晤賦此遲之

老來百事已茫然，不記相違是幾年。  
落日未逢支遁馬，秋池欲問遠公蓮。  
翻經幾宿清涼寺，洗鉢仍歸大海邊。  
莫道總無人我相，也知頭白自相憐。

題許氏躡雲亭

許家亭子嶙峋中，千松萬竹生涼風。  
玉輪輾空秋露濕，金影灑地斜陽紅。  
南山紫雲光細墮，左臂綠海泉暗通。  
我來散髮弄倒景，更從何處尋崆峒。

星槎閣

星槎高閣貫雲中萬里青天若可通  
露濕瑤窓牛渚月涼侵珠箔  
鵲橋風清秋有意思莊卜巧夕無端憶  
漢宮曙色未分鷄唱蚤絳河西轉玉繩東

青環閣

六月荷花香滿亭最多楊柳四環青  
沉沉綠雨鶯啼樹裊裊蒼烟水漫汀  
竹色花香閒裏得農謔漁唱醉中聽  
山南水北饒竒石可勒平泉醒酒銘

朗吟樓

上君天半朗吟樓萬里風光面面收  
日月傍簷飛鳥度雲霞出海碧空流  
雕窓近接芙蓉渚畫棟遙連杜

若洲幾度詩成歌向我調高絃響付笙篴

至夜約之席上即事

浪楫江湖老未休巧當佳節爲君留  
傍簷玉樹供青眼索笑冰花妬白頭  
曼倩喇喇工射覆龍陽戲酒擅藏闈  
銷磨不盡英雄氣倚瑟猶賡子夜謳

挽秦少悅侍御

丹鳳樓前海氣青幾迴曾上夕陽亭  
桓驄一去歸何處莊蝶重來夢不醒  
草色自深三徑雨春香空發百花庭  
最憐燕子年年到怨泣雕梁語不停

題華亭迨果寺

虛廊高閣迥嶙峋直上青天俯四垠野殿無僧空有  
寺亂山唯草不生筠梵王絢日金輪動法蓋歌風寶  
帶塵獨有西池春水綠千年合抱紫藤新

贈胡安父

相別相逢不記年相思常在畫圖前年來詩律偏能  
細老去風流尚可憐礧礧山恣真妙手逍遙谷口未  
華顛請君放浪江湖上永結清風朗月緣

辛卯除夕用文徵仲壬午除夕韻

明燈爆竹且騷然柏葉梅花滿歲前日苦去長來苦  
短酒隨清聖濁隨賢笑談自昔從來慣勦力何能老

更堅薄有椒盤供節序漫同兒女度流年

袁生民慈業儒一旦投師爲佛弟子改名圓復

字曰休遠落髮茲日詩以贈之

少小爲儒自不群棄家來學梵王文投師祝髮從今  
日發願焚香禮白雲說偈幾回趨嶽寺洗腸何日到  
江濱平生結習惟詩句法本通禪可得聞





